



Broj: 03-11-7-118-12/2021
Sarajevo, 23.02.2021. godine

Na osnovu člana 64. stav (1) tačka b) , člana 70. st. (1), (3) i (6) Zakona o javnim nabavkama ("Službeni glasnik BiH," broj 39/14) i Preporuke Komisije za javnu nabavku, broj: 03-11-7-118-11/21 od 21.01.2021. godine, u postupku javne nabavke roba - kancelarijski materijal, direktor Agencije
d o n o s i

ODLUKU

o izboru najpovoljnijeg ponuđača u postupku nabavke kancelarijskog materijala

I

Prihvata se Preporuka Komisije za javnu nabavku kancelarijskog materijala, broj: 03-11-7-118-11/21 od 23.02.2021. godine, te se okvirni sporazum za javnu nabavku roba – kancelarijski materijal, za period od 12 mjeseci, dodjeljuje ponuđaču Plan Plus d.o.o. Zenica, ulica Hasana Muminagića 2a, prema Ponudi, broj: 48/21 od 17.02.2021. godine, za ponuđenu cijenu od 7.850,11 KM, bez PDV-a, odnosno 9.184,63 KM sa PDV-om.

II

Prijedlog okvirnog sporazuma dostavit će se na potpis izabranom ponuđaču Plan Plus d.o.o. Zenica.

III

Ova odluka se dostavlja ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

IV

Ova Odluka objavit će se na web-stranici Agencije www.adsfbih.gov.ba, u skladu sa članom 70. stav 6. Zakona o javnim nabavkama.

Obrazloženje

Postupak javne nabavke roba – kancelarijskog materijala pokrenut je Odlukom o pokretanju postupka javne nabavke, broj: 03-11-7-118/2021 od 05.02.2021. godine.

Javna nabavka je pokrenuta putem Konkurentskog zahtjeva za dostavu ponuda. Predviđeno sklapanje okvirnog sporazuma sa jednim ponuđačem na period od jedne (1) godine.

Procijenjena vrijednost javne nabavke bez PDV-a je 8.000,00 KM za period od jedne godine.

Obavijest o nabavci, broj: 167-7-1-18-3-9/21 objavljena je na Portalu Agencije za javne nabavke.

Komisija za javnu nabavku imenovana Rješenjem direktora Agencije, broj: 03-11-7-118-1/2021 05.02.2021. godine izvršila je otvaranje, pregled i ocjenu primljenih ponuda, prema zahtjevima i kriterijima iz tenderske dokumentacije i utvrdila slijedeće:

- da je ukupan broj pristiglih ponuda - tri (3)
- da su sve tri ponude blagovremeno pristigle
- da nije bilo neblagovremeno pristiglih ponuda
- da su sve tri (3) dostavljene ponude prihvatljive
- da nije bilo neprihvatljivih ponuda

U postupku ocjene provedenog postupka, Direktor Agencije nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke o izboru Komisije za javne nabavke.

U postupku je ocijenjeno da je Komisija u svemu pravilno postupila te je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uvidom u priloženu dokumentaciju, a u skladu sa postavljenim kriterijima "ekonomski najpovoljnije ponude", Komisija je dala Preporuku Direktor Agencije da se okvirni sporazum za javnu nabavku kancelarijskog materijala dodijeli ponuđaču Plan Plus d.o.o. Zenica.

U skladu sa navedenim, odlučeno je kao u dispozitivu.

Izabrani ponuđač je u obavezi da u roku od 5 (pet) dana od dana prijema Odluke o izboru najpovoljnijeg ponuđača, dostavi Ugovornom organu dokumentaciju u skladu sa tenderskom dokumentacijom, tačkama 3.3. TD i 3.5. TD.

Pouka o pravnom lijeku:

Protiv ove odluke može se podnijeti žalba Uredu za razmatranje žalbi putem Agencija za državnu službu FBiH, Kulovića broj 7, u pisanoj formi, u roku od **5 (pet)** dana od dana prijema ove odluke. Žalba se podnosi u tri primjerka.

Dostaviti:

- Ponuđačima
- Odsjek za računovodstveno-finansijske poslove
- u spis predmeta
- a/a



DIREKTOR

Refik Begić, magistar uprave